

Pravila uvoza pasa i mačaka po zemljama

Pravila uvoza pasa i mačaka u Veliku Britaniju

Ljubimci koji putuju u **Veliku Britaniju**, ali i **Maltu** i **Švedsku**, mogu biti prevezeni samo po tovarnom listu, tj. kao kargo, nikako u prtljagu, bilo ručnom ili registrovanom. Osim toga, da bi ušli u državu treba da prođu tzv. shemu putovanja životinja – PETS (Pets Travel Scheme). Po toj shemi ljubimci moraju biti vakcinisani protiv bjesnila čim dostignu starosnu dob za vakcinisanje. Prije vakcinacije, životinji mora biti ugrađen mikročip. Od 14 do 28 dana nakon vakcinisanja protiv bjesnila životinji se mora izvaditi krv i poslati na analizu u ovlašćenu laboratoriju, a titar antitijela na bjesnilo mora biti veći od 0,5 međunarodnih jedinica po mililitru (IU/ml). Nakon što se dobije potvrda da je nalaz krvi zadovoljavajući, izdaje se pasoš za ljubimca, ili ukoliko ga već posjeduje, u rubriku se upisuje pregled i datum vađenja krvi. Sljedećih 6 mjeseci životinja mora provesti u karantinu i tek nakon tog perioda može da putuje u Veliku Britaniju. Molimo Vas da provjerite sa Ambasdom koje su to države gdje životinja može biti zadržana u karantinu prije ulaska u Veliku Britaniju. U izuzetnim situacijama period zadržavanja u karantinu može biti i duži u slučaju:

- pojave bjesnila u karantinu; ili
- ukoliko životinja boravi u istoj prostoriji gdje je je druga životinja umrla tokom njenog boravka u karantinu.

Životinja mora biti tretirana protiv krpelja i crijevnih parazita 24-48 sati prije početka putovanja. Zakonom je propisana i vrsta transportera koja se smije koristiti, te njegova veličina. Takođe je bitno da se kopije svih dokumenata stave u fasciklu i pričvrste za gornju stranu transportera. Putnici snose sve troškove koji proizilaze iz slijetanja, tranzita ili smještanja životinje u karantin.

Životinje koje se iz zemalja van EU unose u Veliku Britaniju nakon što su prethodno bile izolovane u karantinu, mogu biti unesene jedino preko ovlašćenih Stanica za graničnu inspekciju, a to su, u avio-saobraćaju, trenutno samo aerodromi Hitrou (LHR) i Getvik (LGW). U slučaju ilegalnog unosa, vlasnicima prijete novčana kazna od 2,000 GBP i/ili kazna zatvora, a ilegalno uvezene životinje mogu biti eutanizirane!!!

Pravila uvoza pasa i mačaka u Francusku, Njemačku, Italiju, Švajcarsku

Kao i za sve druge države, životinja mora biti vakcinisana protiv bjesnila i imati mikročip i pasoš. Životinja smije putovati tek 21 do 30 dana poslije vakcinisanja, ali nije obavezno da se obavi testiranje krvi na titar antitijela. Vaš ljubimac smije putovati tek kada navršši 3 mjeseca starosti. Takođe, 24-48 sati prije ulaska u Francusku ovlašćeni veterinar mora tretirati životinju protiv unutrašnjih i spoljnih parazita. U Francusku je zabranjeno uvoziti pse koje pripadaju nekim pasminama bula i tose. U Njemačku je zabranjeno uvoditi pse poput pit bula, stafordskog terijera i mješanaca sličnih pasa. Psi kao što su američki staford i rotvajleri, odnosno potencijalno opasni psi, moraju u svakom trenutku imati korpu na njušci i biti na povocu. Prije putovanja, potrebno je otići na pregled kod veterinara, koji će, ukoliko je životinja zdrava i sposobna za putovanje, ispuniti rubriku u njenom pasošu, i isti ovjeriti svojim potpisom i službenim pečatom.

Pravila uvoza pasa i mačaka u Sjedinjene Američke države (SAD)

Životinje moraju biti vakcinisane protiv bjesnila najmanje 30 dana prije putovanja, ili će biti smještene u karantin dok se ne vakcinišu i dok ne istekne 30 dana od vakcinacije. Životinje će u mjestu ulaska u državu biti pregledane od strane veterinara.

Pravila uvoza pasa i mačaka u Australiju

Australija ima najstrože uslove za ulazak životinja. Slično PETS protokolu Velike Britanije, Australija ima AQIS protokol (Australian Quarantine and Inspection Service) koji se mora proći kako bi životinja ušla u državu. Da bi se dobila AQIS dozvola za ulazak u zemlju, životinja mora proći protokol opisan niže.

Prvi korak: karantin. U državi iz koje kreće na put životinja mora boraviti najmanje 6 mjeseci bez izlaska iz države, mora biti stara najmanje 6 mjeseci, a ženke ne smiju biti skotne više od 3 sedmice, niti smiju biti u fazi dojenja u vrijeme uvoza. Skotne životinje moraju provesti dodatnih 30 dana u karantinu po dolasku u Australiju.

Mačke ne smiju biti vrste serval, niti smiju biti potomci te rase. Psi ne smiju biti pasmine: argentinska ili brazilska doga, japanska tosa, bit bul, pressa canario, ili mješanci neke od tih rasa.

Drugi korak: ugrađivanje mikročipa. Vodite računa da mikročip može da bude učitao pomoću čitača marke Avid, Trovan, Destron ili nekim drugim čitačem koji je ISO kompatibilan.

Treći korak: Vakcinisanje životinje protiv bjesnila.

Četvrti korak: Kontaktirajte Veterinarsku upravu, koja treba da ovjeri Veterinarske sertifikate A i B iz AQIS uvozne dozvole. Oni će vam pružiti i informacije o ovlašćenim veterinarima koji će Vašu životinju pripremiti za izvoz i popuniti Veterinarske sertifikate A i B. Koačno, treba se obratiti ovlaštenoj laboratoriji koja obavlja analizu krvi na titar antitijela. Informacije o ovlašćenim veterinarima i laboratorijama se mogu dobiti i u Ministarstvu poljoprivrede zemlje izvoza.

Peti korak: Testiranje krvi na titar antitijela najmanje 60 dana, a najviše 12 mjeseci nakon vakcinisanja. Za skotne životinje period testiranja mora biti između 150 i 360 dana prije izvoza u Australiju. Narednih 150, a najmanje 60 dana, Vaš ljubimac ne smije napustiti zemlju izvoza. U Australiji životinja ostaje u karantinu od 30 do 150 dana, i neće biti puštena iz karantina dok ne prođe 180 dana od dana testiranja krvi. Dakle, broj dana u karantinu je utoliko manji ukoliko je veći broj dana proveden u zemlji izvoza nakon vakcinisanja.

Vrijeme proteklo od testiranja krvi na titar antitijela na bjesnilo	Minimalni broj dana za karantin u Australiji	Ukupno vrijeme proteklo od testiranja krvi na titar antitijela na bjesnilo
150 ili više dana	30 dana	
135 dana	45 dana	
120 dana	60 dana	180 dana
90 dana	90 dana	
60 dana	120 dana	

Šesti korak: Ovjeravanje potvrde o vakcinaciji i nalaza krvi kod nadležne Veterinarske ustanove.

Sedmi korak: Prijavljivanje za AQIS dozvolu za uvoz životinje. Sa potvrdom o titru antitijela treba kontaktirati australijsku inspekciju i karantinsku službu.

Osmi korak: Odmah po dobijanju dozvole za ulazak životinje na teritoriju Australije, treba kontaktirati Karantinski centar kako bi se rezervisao termin za životinju.

Status: AUG2013

Deveti korak: Životinje mogu ući u Australiju jedino preko vazdušnih luka, i to Sidnej (SYD), Melburn (MEL) i Pert (PER), stoga je potrebno napraviti rezervaciju kod avioprevoznika kojima želite da Vaš ljubimac bude prevezen. Životinja može putovati kao kargo i u tom slučaju će automatski biti preuzeta na aerodromu i prevezena u karantinu. Voditi računa da, ako je moguće, rezervišete letove koji u Australiju stižu između 8:00 i 16:30 (lokalno vrijeme) radnim danima. Ne bukirati letove koji stižu u dane praznika ili vikenda, jer tim danima ne mogu biti prihvaćene na aerodromu.

Deseti korak: Nakon što se obave sve formalnosti oko rezervisanja putovanja, potvrditi rezervaciju u karantinskom smještaju. Potrebno je poslati broj AQIS dozvole, podatke o letu kojim će životinja stići, broj tovarnog lista, kontakt telefon, te važne podatke o životinji: da li boluje od neke hronične bolesti, da li koristi neke specijalne lijekove ili hranu.

Jedanaesti korak: Provjeriti da li će životinja biti zaštićena vakcinama protiv ostalih zaraznih bolesti tokom čitave dužine boravka u karantinu (vakcinisanja se moraju obaviti dvije sedmice do 12 mjeseci prije izvoza).

Dvanaesti korak: (Samo za pse) Najviše mjesec prije izvoza mora se uzeti krv psa i ispitati na erlihiozu, brucelozi, lišmaniozu i leptospirozu.

Trinaesti korak: Najviše četiri dana prije putovanja pas mora biti tretiran protiv spoljnih i unutrašnjih parazita, a potvrda o tome unesena u pasoš. Tada veterinar treba da ovjeri sve veterinarske potvrde i dozvole.

Četrnaesti korak: Na dan putovanja veterinar još jednom treba da pregleda životinju, provjeri broj mikročipa, te životinju smjesti u transporter koji se nakon toga zapečaćuje. Transporter se ne smije više otvarati. Ukoliko prilikom dolaska životinje u Karantinski centar na transporteru bude znakova otvaranja, takva životinja se vraća u državu iz koje je došla ili se eutanizira na mjestu. U kavez treba pričvrstiti posudu sa vodom i do nje sprovesti crijevo, kako bi se mogla doliti voda.

Petnaesti korak: Za transporter se pričvršćuje fascikla koja sadrži sva dokumenta i potvrde potrebne za ulazak u državu. Mogu se staviti originali ili ovjerene kopije. Životinja se predaje na utovar u avion.

Šesnaesti korak: Po dolasku u Australiju životinju preuzima Karantinski centar. Svi troškovi boravka životinje u Centru se plaćaju prije stizanja životinje i snosi ih vlasnik.

Za životinju koja stiže u Karantinski centar moraju se poslati sva dokumenta, kao i istorija bolesti od veterinara. Ukoliko je životinja hronični bolesnik te prima terapiju, uz nju se moraju poslati lijekovi i preparati. Životinju u karantinu smije posjećivati samo osoba na koju glase dokumenta. Izvođenje životinje u šetnju, donošenje hrane, poslastica, krevetića ili igrački je zabranjeno.

Gore navedeni koraci za ulazak životinje u Australiju moraju se obaviti tačno tim redoslijedom, u suprotnom dozvola za ulazak se neće moći dobiti. Ukoliko životinja ne uspije dobiti bilo koju od potvrda, proces dobijanja dozvole se poništava, a vlasnik mora od početka krenuti u pribavljanje AQIS dozvole.

NAPOMENA: Svi podaci navedeni ovdje su informativnog tipa i služe kao smjernice putnicima vlasnicima pasa, koji se za precizne informacije moraju obratiti diplomatsko-konzularnom predstavništvu zemlje opredjeljenja.